

## **Theologia Scholastica Secundum Viam Et Doctrinam D. Thomæ Aquinatis, Doctoris Angelici**

In Celebri Archiepiscopali Benedictina Universitate Salisburgensi, methodo  
& norma ibidem usitata publicè tradita, & in IV. Tomos digesta ; Qvorvm  
Primvs Tractat De Deo Vno Et Trino, Deq[ue] Creatura Angelica ...

**Mezger, Paul**

**Augustæ Vindelicorum, 1695**

§. II. Quomodo Theologia sit speculativa, vel practica?

---

[urn:nbn:de:hbz:466:1-73455](#)

12 Tractat. I. Disputatio Prima Proemialis. Artic. VI. §. I. & II.

7. *Theologia principalius est speculativa, quam practica.*
8. *Est alii scientiis dignior & certior.*
9. *Premissa naturalis in Theologicam conclusionem insuit ut extrinsecè elevata.*
10. *Destruitur per heresim.*
11. *Non destruitur, sed perficitur per lumen gloria in patria.*
12. *Est una scientia specie atomæ.*

§. I.

*Supernaturalitas S. Theologie expenditur.*

**C**ONCLUSIO prima. *Theologia licet extrinsecè & originative sit supernaturalis, tamen intrinsecè & emittitive est habitus naturalis.* Ita communis Thomistarum & clare indicatur à S. D. tum hic a. 6. ad 3. ubi dicit, *hanc doctrinam per studium haberi, licet ejus principia ex revelatione habeantur, tum 2. 2. q. 5. 4. a. 1. ad 2. ubi distinguens inter nostram Theologiam & sapientiam, quæ est donum spiritus S. dat istud disserit: quod Theologia acquiritur studio humano, illa autem est de sursum descendens.* Ut dicitur Jac. 3. *Ex quibus formatur hæc ratio: Habitus, qui intrinsecè petit produci per causam proximam naturalem, est naturalis; sed Theologia petit produci per causam intrinsecè naturalem, nempe discursum & studium humanum, discursum & syllogisticam illationem conclusionis &c. ergo est intrinsecè naturalis.*

2. Negat min. Illustrissimus Reding, & dicit: *discutum Theologicum esse intrinsecè supernaturalem. Sed contraria minor probatur: quamvis utraque præmissa in discursu Theologico possit esse de fide, adeoque intrinsecè supernaturalis, non tamen causant alienum conclusionis Theologica, nisi quatenus per lumen discursivum intellectus sunt artificiose connexæ: sed sub hac ratione, & ut formaliter non materialiter spectatae cum sunt aliquid naturale.* Influxus enim causa remota determinatur & modificatur per causam proximam, cui debet effectus proportionari: veluti patet in quilibet demonstratione, cuius conclusio licet remotè procedat ab habitu principiorum, non tamen est actus principiorum, nec per ipsam generatur habitus principiorum, sed est actus scientiæ: atque ratio & causa proxima absentiæ est connexio & coordinatio præmissarum, per quam ex principiis revelatis veritas & conclusio virtualiter contenta artificiose deducitur. *qua* tota habetur ex lumine discursivo naturali, ergo. Unde cum S. D. Theogiam vocat scientiam revelatam vel inspiratam, intelligit non formaliter, sed virtualiter revelatam, hoc est, cuius conclusiones sine per discursum & legitimam consequentiam deducibiles ex formaliter revelatis, in quibus virtute continebantur.

3. Neque refert primò, quod objectum formale Theologia sit DEUS in ratione DEITatis, adeoque supernaturale. Nam Resp. esse objectum supernaturale, in esse entis, non autem in esse scientiæ, vel objecti, quatenus nimirum substat virtuali revelationi tanquam rationi formalis sub qua.

Nec obest secundò, quod principia Theologie sint supernaturalia; nam Resp. principia remota & materialiter sumpta sunt supernaturalia, conc. proxima, vel etiam remota, si formaliter sumuntur, quatenus per naturalem discursum coordinata, nego, e. g. in hoc syllogismo: *quot sunt in Divinis persona relativè opposita, tot sunt persona distincta: sed tres sunt personæ relativè opposita: ergo tot sunt persona distincta:* hic utraque præmissa est de fide, sicut & ipsa conclusio: nibilominus quatenus intellectus ex vi connexionis præmissarum assentitur conclusioni, qua est aliquid naturale, sic est conclusio naturalis.

§. II.

*Quomodo Theologia sit speculativa, vel practica.*

**C**ONCLUSIO II. *Theologia simul est eminenter formaliter speculativa & practica: tum quia derivatur ab habitu fidei, quia simul est eminenter formaliter speculativus & practicus, ut suppono ex Tract. de fide, tum quia in ipsius objecto formaliter utraque ratio eminenter formaliter conjuncta reperitur: liquidem DEUS in ratione Deitatis, non tantum formaliter, sed etiam virtualiter revelabilis, est simul prima veritas per essentiam speculabilis, & simul ultimus finis per nostros actus aliquidibilis, & secundum utrasque rationes est virtualiter revelabilis.*

Dixi esse speculativam & practicam *eminenter* formaliter. Formaliter est talis, quia utriusque definitionem formaliter participat: eminenter vero, quia illam participiat sine admixa imperfectione contradictionis & limitationis, cum qua reperiatur in scientiis inferioribus. Unde non sequitur, si speculativum & practicum sunt differentiae essentiales in scientiis pure naturalibus, ut communiter docent Thomistæ; ergo non possunt convenire in scientia Theologica.

Nam speculativum & practicum tantum sunt differentiae essentiales habituum, quatenus nimirum sunt rationes limitatae in scientiis inferioribus, non autem speculativum & practicum, & fundant diversum tendendi modum, ac abstractionem diversam à materia: non autem speculativum & practicum absolutè: hic enim locum habet illud D. Dionysii: *que sunt dispersa in inferioribus, sunt adunata in superioribus.* Sicuti licet eadem anima non possit eile simul vegetativa tantum, & sensitiva tantum, potest tamen anima rationalis esse simul formaliter eminenter vegetativa & sensitiva.

Eritne propterea omnis actus Theologia simul speculativus & practicus? Resp. quamvis dici possit, quod omnis actus Theologia sit remote simul speculativus & practicus, quatenus videlicet subordinatur beatifica visioni, que DEUM attingit tam sub ratione primæ veritatis, quam ultimi finis propriè tamen ex fine proximo aliquos actus esse speculativos, alios vero practicos: speculativos, quorum finis proximus est, DEUM & divina in se cognoscere, practicos, quorum finis proximus, actus humanos in DEUM, ut ultimum suum dirigere. Nec refert, quod quilibet actus debet participare rationem formalem obiecti

jecti: nam distinguo: debet participare adaequatè vel inadequatè conc. temper adaequatè nego. & ita sufficit ut alquis actus Theologiae, v. g. de DEO uno & Trino, ex formalis objecto participet rationem speculativi, alias v. g. de actibus humanis rationem practicæ.

7. Inferes tamen, Theologiam esse magis speculativam quam practicam, nam ut S. D. a. 4. Theologia principalius agit de rebus divinis, quia de actibus humanis: de quibus agit secundum quod per eos ordinatur homo ad perfectam DEI cognitionem in qua eterna beatitudine consistit. Hoc est, quanvis Theologia de actibus humanis agendo, & illos ordinando in ultimum finem sit practica; tamen & principalius agit de rebus divinis, & ipse ultimus finis seu beatitudo eterna consistit in intuitiva cognitione DEI; adeoque ex utroque capite est principalius speculativa. Oppositum sentiunt Scotisti, supponentes beatitudinem consistere in fruitione, quod Thomistæ impugnant, in 1. 2.

### §. III.

#### Certitudo Theologiae.

8. CONCLUSIO III. *Theologia est dignior & certior aliis scientiis.* Dignior ut probat S. D. a. 5, est primum, quia objectum Theologiae, quod est DEUS author supernaturalis, transcendet & superat omnium aliarum scientiarum dignitatem; ideoque juxta interpretationem S. D. hic in arg. sed contra, alia scientiae naturales respectu Theologia dicuntur ancilla, juxta illud prov. 9. *Misi annillas suas ut vocarent ad arcem.* Secundum hoc ipso, quia est omnibus scientiis naturalibus certior, utpote certitudine derivata ex immutabili veritate DEI, tum in dicendo, tum in effendo. Nec ideo existimes, istam Theologia certitudinem esse intrinsecè supernaturalem, nihil enim est aliud, quam firmitas naturalis assensus omnis exclusiva formidinis habens ramen relationem ad supernaturalem assensum fidei divinae, in quo radicatur.

9. Neque dicas: Præmissæ debent esse certiores conclusiones: sed frequenter contingit, ut una ex præmissis discursus Theologicus sit desumpta ex scientia naturali, velut in hoc syllogismo. *Omnis homo est rationabilis: Christus est homo: ergo Christus est rationabilis.* ergo præmissa scientiae naturalis est certior conclusione Theologica. Nam Resp. diff. min. præmissa aliquando desumitur ex scientia naturali, ita tamen ut sit alteri præmissæ supernaturali conjuncta, & ab illa extrinsecè elevata ad participationem certitudinis supernaturalis, conc. ut se loa principaliter influat in conclusionem, nego. ergo est certior, ut conjuncta & elevata conc. ut locorum sumpta, nego consequentiam.

### §. IV.

*Duratio, subiectum, & unitas Theologiae.*

10. CONCLUSIO IV. In heretico non possit manere Theologia, verè univocè sumpta.

Nam destrutis principiis, motivo formalis, & certitudine alicuius scientie, etiam ipsam deliri est necesse; sed in heretico pereunt principia Theologiae, nempe propositiones fidei, perit lumen revelationis virtualis, hoc ipso quod designat lumen revelationis formalis, perit consequenter certitudine, quippe que non amplius ex fide & veritate divina derivari potest: ergo perit etiam scientia Theologica, sive similitudinariè vel æquivoce tantum manet, & ut loquitur Phil. à S. Trin. cetera scientia Theologica.

CONCLUSIO V. *Nostra Theologia via* <sup>III.</sup> *quoad substantiam manet in patria.* Ita tentit D.

Aug. I. 3. c. 6. cont. 2. ep. Pelag. dicens: *Scientia & cognitio de DEO post resurrectionem perficietur in nobis.* Chryl. in c. 13. ad Cor. *Non abelebitur scientia, sed definit esse non perfecta.* & D. Hier. S. cit. *Talem scientiam discamus in terris, que nobiscum perfereret in celis.* Ratio est: manente formalis objecto scientie, manet scientia quoad substantiam; sed in Theologia manet objectum formale Theologia; ergo manet etiam quoad substantiam. Min. probatur, quamdiu conclusio est discursivè deducenda ex principio formaliter revelato, tamdiu manet formale objectum Theologiae; sed in patria per cognitionem vespertinam Beati deducunt conclusiones ex principiis formaliter revelatis, non quidem revelatione obscura, sed clara: hoc enim nihil interest ad virtualem revelationem, sitne ex principio clara, vel obscurè revelato, ergo.

CONCLUSIO VI. *Theologia est una species in infinita scientia.* quia, ut ex philosophia supponitur: unitas formalis objecti tribuit unitatem habitat; sed omnia objecta Theologica convenient in uno objecto & ratione formalis, nempe DEO & revelatione virtuali, ergo:

Inferes ex dictis, ad syllogismum propriè & principaliter Theologicum semper esse necessarium ut conclusio deducatur, vel ex utraque præmissa de fide debite disposita, vel ex una de fide, & altera naturaliter evidente, quia assensus scientificus, qualis est assensus conclusionis, est essentialemente incapax procedendi ex aliquâ præmissa seu assensu opinativo, neque enim opinio essentialiter conjuncta cum formidine oppositi generare potest certum assensum. Quid si ergo Theologia cum præmissa de fide conjungat alteram tantum opinativam? Non erit discursus Theologicus? Erit secundarij; non autem primarij; sicut cum scientie naturales defectu luminis naturalis non semper suppeditant propositiones evidentes, ex secundaria intentione inferunt conclusionem opinativam.

